

春秋左傳杜注

春秋左傳杜注卷第三十

華亭姚培謙學

哀公

經十有四年春西狩獲麟

麟者仁獸聖王之嘉瑞也時無明王出而遇獲仲尼傷周道之不興感嘉

瑞之無應故因魯春秋而脩中興之教絕筆於獲麟之一句所感而作固所以為終也冬獵曰狩蓋虞人脩常職故不書狩者大野在魯西故言西狩得用曰  
獲○小邾射以句繹來奔射小邾大夫句繹地名春秋止於獲麟故射不在三叛人之數自此以下

至十六年皆魯史記之文弟子欲存孔子卒故并錄以續孔子所脩之經○射音亦句古侯反

○夏四月齊陳恒

執其君寘于舒州

○今山東兗州府滕縣東南薛城是

○庚戌叔還卒

無傳

○五月庚申朔日有食之

無傳

○陳宗豎出奔楚

無傳

○宋向魋入于曹以叛曹宋邑○莒子狂卒無傳○狂其廷反○

六月宋向魋自曹出奔衛宋向巢來奔○齊人弑

其君壬于舒州○秋晉趙鞅帥師伐衛無傳○八月

辛丑仲孫何忌卒○冬陳宗豎自楚復入于陳陳

人殺之無傳○陳轅買出奔楚無傳○有星孛無傳不言所在使失之

○饑無傳

傳十四年春西狩於大野叔孫氏之車子鉏商獲

麟大野在高平鉅野縣東北大澤是也車子微者鉏商名○今兗州府嘉祥縣西有獲麟堆蓋嘉祥本鉅野分置也車子將車之子以為

不祥以賜虞人時所未嘗見故恠之仲尼觀之曰麟也然

虞人掌山澤之官

後取之

言魯史所以得書獲麟

○小邾射以句繹來奔曰使季路要我吾無盟矣

子路信誠故欲得與相要誓而不須盟孔子弟子既續書魯策以繫於經邱明亦隨而傳之終於哀公以卒前事其異事則皆畧而不傳故此經無傳者

多使子路子路辭季康子使冉有謂之曰千乘之

國不信其盟而信子之言子何辱焉對曰魯有事

于小邾不敢問故死其城下可也彼不臣而濟其

言是義之也由弗能

濟成也

○齊簡公之在魯也闕止有寵焉

簡公悼公陽生子壬也闕止子我也事在六年

及即位使為政陳成子憚之驟顧諸朝

成子陳常心不安故數顧之

諸御鞅言於公鞅齊大夫曰陳闕不可竝也君其擇焉

弗聽子我夕夕視陳逆殺人逢之陳逆子行陳氏宗也子我逢之遂執以

入執逆至朝陳氏方睦欲謀齊國故宗族和使疾而遺之潘沐備酒肉

焉使詐病因內潘沐并得肉酒肉潘米汁可以沐頭遺去聲潘音翻饗守囚者醉而殺之而逃

子我盟諸陳於陳宗失陳逆懼其反為患故盟之初陳豹欲為子我

臣豹亦陳氏族使公孫言已言已介達之已有喪而止既而言之

既終喪也曰有陳豹者長而上僂肩背僂僂力主反望視目望陽事君子

必得志得君子意欲為子臣吾憚其為人也詐故緩以告

子我曰何害是其在我也言在我用之而已使為臣他日與

之言政說遂有寵謂之曰我盡逐陳氏而立女若

何對曰我遠於陳氏矣言已疏遠且其違者不過數人遠不從也

何盡逐焉遂告陳氏子行曰彼得君弗先必禍子

子行舍於公宮子行逃而隱於陳氏今又隱於公宮夏五月壬申成子兄弟

四乘如公成子之兄弟昭子莊簡子齒宣子夷穆子安廩邱子意茲芒子盈惠子得凡八人二人共一乘子我在

幄幄帳也聽政之處出逆之遂入閉門成子入反閉門不納子我侍人禦之子我侍人

子行殺侍人素在內故得殺之公與婦人飲酒于檀臺成子

遷諸寢徙公使居正寢公執戈將擊之疑其欲作亂大史子餘曰非

不利也將除害也言將為公除害成子出舍于庫以公怒故聞公猶

怒將出曰何所無君子行抽劍曰需事之賊也言需疑則

害誰非陳宗言陳氏宗族衆多所不殺子者有如陳宗言子若欲出我

必殺子明如陳宗乃止子我歸屬徒攻闔與大門闔宮中小門大

陳宗先祖鬼神也門公門也皆不勝乃出陳氏追之失道於弇中適豐

邱弇中狹路豐邱陳氏邑豐邱人執之以告殺諸郭關齊關名成子將

殺大陸子方子方子我臣陳逆請而免之以公命取車於

道子方取道中行人車及彤衆知而東之知其矯命奪車逐使東○彤音而出雍門

齊城門也陳豹與之車弗受曰逆為余請豹與余車雍去聲

余有私焉○是我有私於陳氏事子我而有私於其讎何以見

魯衛之士

傳言陳氏務施

東郭賈奔衛

賈即子方

庚辰陳恒執公于

舒州公曰吾早從鞅之言不及此

悔不誅陳氏

○宋桓魋之寵害於公

恃寵驕盈

公使夫人驟請享焉而

將討之

夫人景公母也數請享飲欲因請討之

未及魋先謀公請以韋易薄

韋向魋邑薄公邑欲因易邑為公享宴而作亂

公曰不可薄宗邑也

宗廟所在

乃益韋七

邑而請享公焉

偽喜於受賜

以日中為期家備盡往

甲兵之備

知之告皇野曰余長魋也

少長育之皇野司馬子仲

今將禍余請即

救司馬子仲曰有臣不順神之所惡也而况人乎

敢不承命不得左師不可

左師向魋兄向巢也

請以君命名之



左師每食擊鐘聞鐘聲公曰夫子將食既食又奏

樂奏公曰可矣以乘車往曰迹人來告主迹禽獸者。周禮地官迹人掌邦田之

政鄭云迹之言跡知禽獸之處也曰逢澤有介麋焉地理志言逢澤在萊陽開封縣東北遠疑非介大也。麋

九倫反公曰雖魑未來得左師吾與之田若何皇野稱樟也

君憚告子難以遊戲煩大臣野曰嘗私焉嘗試也君欲速故

以乘車逆子與之乘至公告之故拜不能起○巢下拜懼不

能起司馬曰君與之言使公與要誓公曰所難子者上有天

下有先君言雖誅魑要不負言使禍難及子對曰魑之不共宋之禍也

敢不唯命是聽司馬請瑞焉瑞符節以發兵以命其徒攻桓

氏桓氏其父兄故臣曰不可司馬故臣與桓魋無怨者其新臣曰從吾

君之命遂攻之子頎騁而告桓司馬子頎植魋弟桓司馬即魋也

馬欲入入攻君子車止之車亦魋弟曰不能事君而又伐國民

不與也祇取死焉向魋遂入于曹以叛哀八年宋滅曹以為邑六

月使左師巢伐之欲質大夫以入焉巢不能克魋恐公怒欲得國內大夫為質

還入國不能亦入于曹取質不能得大夫故入曹劫曹人子弟而質之欲以自固魋曰

不可既不能事君又得罪于民將若之何乃舍之

舍曹子弟民遂叛之向魋奔衛向巢來奔宋公使止之曰

寡人與子有言矣不可以絕向氏之祀辭曰臣之

罪大盡滅桓氏可也。若以先臣之故，而使有後君之惠也。若臣則不可以入矣。司馬牛致其邑與珪

焉而適齊。牛桓魋弟也。珪守邑符信。向魋出於衛地，公文氏攻之。公文氏衛

大求夏后氏之璜焉，與之他玉而奔齊。陳成子使

為次卿，司馬牛又致其邑焉而適吳。亦不與吳人惡

之而反。趙簡子召之，陳成子亦召之。卒於魯郭門

之外。阮氏葬諸邱輿。阮氏魯人也。泰山南城縣西北有輿城，錄其卒葬所在。愍賢者失所。阮苦庚反，輿城在

今兗州府費縣西

○甲午，齊陳恒弑其君壬于舒州。壬簡公也。孔某三日齊。

而請伐齊。三公曰：魯為齊弱久矣，子之伐之，將若之何？對曰：陳恒弑其君，民之不與者半，以魯之衆加齊之半，可克也。公曰：子告季孫。孔子辭。辭不告退而告人曰：吾以從大夫之後也，故不敢不言。嘗為大夫而去故言後

○初，孟孺子洩將圍馬於成。

洩孟懿子之子，孟武伯也。圍，畜養也。成，孟氏邑。

成宰

公孫宿不受，曰：孟孫為成之病，不圍馬焉。

病謂民貧困。

孺

子怒，襲成，從者不得入，乃反。成有司使孺子鞭之。

恨恚故鞭成，有司之使人。○使去聲。

秋八月辛丑，孟懿子卒，成人奔喪，弗

內，袒免哭于衢，聽共弗許。

請聽命共使。○內音納，免音問，共音恭。

懼不歸。

不歸，不歸也。

為明年  
成叛傳

經十有五年春王正月成叛○夏五月齊高無平

出奔北燕無傳○鄭伯伐宋無傳○秋八月大雩無傳○

晉趙鞅帥師伐衛無傳○冬晉侯伐鄭無傳○及齊平

魯與齊平○衛公孟彊出奔齊無傳

傳十五年春成叛于齊武伯伐成不克遂城輸以偏成

○夏楚子西子期伐吳及桐汭宣城廣德縣西南有桐水出白石山西北入丹陽湖陳

侯使公孫貞子弔焉弔為楚所伐及良而卒良吳地將以尸入

聘禮若實死未將命則既斂於棺造於朝介將命吳子使大宰嚭勞且辭曰以水潦

之不時無乃廩然隕大夫之尸廩然傾動貌以重寡君之

憂寡君敢辭上介芋尹蓋對蓋陳大夫貞子上介曰寡君聞楚

為不道荐伐吳國荐重也滅厥民人寡君使蓋備使弔

君之下吏備猶副也無祿使人逢天之威大命隕隊絕世

于良絕世猶言弃世廢日共積廢行道之日以共具殯斂所積聚之用。共音恭。積子賜反。一日遷

次一日便遷次不敢留君命今君命逆使人曰無以尸造于門是我

寡君之命委于草莽也且臣聞之曰事死如生禮

也於是乎有朝聘而終以尸將事之禮朝聘而道死則以尸行事。孔

疏以吳人不納故芋尹引禮深以辯之又有朝聘而遭喪之禮其實貞子當殯于館不得以尸將事也

遭所聘之喪

若不以尸將命是遭喪而還也無乃不可乎

以禮防民猶或踰之今大夫曰死而弃之是弃禮

也其何以為諸侯主

謂主盟也

先民有言曰無穢虐士

虐士死者

備使奉尸將命苟我寡君之命達于君所雖隕于

深淵則天命也非君與涉人之過也吳人內之

傳言茅尹

蓋知禮內音納

○秋齊陳瓘如楚

瓘陳恒之兄子玉也

過衛仲由見之

仲由子路

曰天

或者以陳氏為斧斤既斲喪公室而他人有之不

可知也其使終饗之亦不可知也

饗受也

若善魯以待

時不亦可乎何必惡焉仲由事孔子故為魯言子玉曰然吾受命

矣○受命使楚子使告我弟弟成子也冬及齊平子服景伯如齊

子贛為介見公孫成公孫成成宰公孫宿也○贛與貢同曰人皆臣人而

有背人之心况齊人雖為子役其有不貳乎言子叛魯齊人

亦將叛子子周公之孫也多饗大利猶思不義利不可得

而喪宗國將焉用之喪宗國謂以邑入齊使魯有危亡之禍成曰善哉吾不

早聞命傳言仲尼之徒皆忠于魯國陳成子館客使景伯子贛就館曰寡君使

恒告曰寡人願事君如事衛君言衛與齊同好而魯未肯景伯揖子

贛而進之對曰寡君之願也昔晉人伐衛在定八年齊為



衛故伐晉冠氏喪車五百在定九年冠氏陽平館陶縣因與衛地自

濟以西襍媚杏以南書社五百二十五家為一社籍書而致之。襍音炒吳人

加敝邑以亂在八年齊因其病取讎與闡亦在八年寡君是以

寒心若得視衛君之事君也則固所願也成子病

之乃歸成病其言也公孫宿以其兵甲入于羸羸齊邑

○衛孔圉取大子蒯聵之姊生慄孔圉孔文子也蒯聵姊孔伯姬。慄苦回反

孔氏之豎渾良夫長而美孔文子卒通於內通伯姬。渾戶

門反長上聲大子在戚孔姬使之焉使良夫詣大子所大子與之言

曰苟使我入獲國服冕乘軒三死無與冕大夫服軒大夫車三死死罪

三。無與之盟。為請於伯姬。良夫為閏月。良夫與大子

入舍於孔氏之外圃。國昏二人蒙衣而乘。二人大子與

婦人服也。乘去聲下同。寺人羅御如孔氏。孔氏之老藥寧問之。稱

姻妾以告。自稱昏遂入適伯姬氏。既食。孔伯姬杖戈

而先。大子與五人介與瑕從之。介被甲與瑕迫孔悝於

廁。強盟之。孔氏專政故劫遂劫以登臺。藥寧將飲酒炙

未熟。聞亂。使告季子。季子子路也為孔氏邑召獲駕乘車

行。爵食炙。奉衛侯輒來奔。季子將入。遇

子羔將出。子羔衛大夫高柴曰。門已閉矣。季子曰。吾姑

至焉且欲至門

子羔曰弗及不踐其難

言政不及已可不須踐其難

季子曰

食焉不辟其難

謂食孔氏祿

子羔遂出子路入及門公孫

敢門焉

守門

曰無入為也

言輒已出無為復入

季子曰是公孫也

求利焉而逃其難由不然利其祿必救其患有使

者出乃入

因門關而入

曰夫子焉用孔惺雖殺之必或繼

之

言已必繼孔惺為難攻夫子

且曰夫子無勇若燔臺半必舍孔叔

夫子聞之懼下石乞孟賁敵子路

二子剛勇黨敵當也○賁於滅反

以

戈擊之斷纓子路曰君子死冠不免

不使冠在地

結纓而

死孔子聞衛亂曰柴也其來由也死矣孔惺立莊

公莊公蒯害故政欲盡去之故政輒之臣先謂司徒瞞

成曰寡人離病於外久矣子請亦嘗之歸告褚師

比欲與之伐公不果比褚師聲子為明年瞞成奔起○褚中呂反

經十有六年春王正月己卯衛世子蒯瞶自戚入

于衛衛侯輒來奔書此春皆從告○二月衛子還成出奔宋

即瞞成○夏四月己丑孔丘卒仲尼既告老去位猶書卒者魯之君臣宗其聖德殊而異之魯

還音旋  
襄二十二年生至今七十三也四月十八日乙丑無己丑己丑五月十二日日月必有誤

傳十六年春瞞成褚師比出奔宋欲伐莊公不果而奔衛侯使

鄆武子告于周武子衛大夫盱也曰蒯瞶得罪於君父君母

逋竄于晉。晉以王室之故，不棄兄弟。寘諸河上。河上康也。

天誘其衷，獲嗣守封焉。使下臣盼，敢告執事。王使

單平公對曰：「盼以嘉命來告余一人，往謂叔父。余

嘉乃成世，復爾祿次，敬之哉。」繼父之世還居君之祿次。方天之休。言天方受

爾以弗敬弗休，悔其可追。傳終崩

○夏四月己丑，孔丘卒。公誄之曰：「旻天不弔，不慙

遺一老，俾屏余一人以在位。」仁覆閔下，故稱旻天弔至也。慙且也。俾使也。屏蔽也。慙，庶觀

反屏必熒熒余在疚。致我熒熒然。若在疚病之中。嗚呼哀哉！尼父無自

律。疚病也。律法也。言喪尼父無以自為法。子贛曰：「君其不沒於魯乎？夫子之

言曰禮失則昏名失則愆失志為昏失所為愆生  
不能用死而誅之非禮也稱一人非名也天子稱一人非諸侯之名  
君兩失之

○六月衛侯飲孔悝酒於平陽東郡燕縣東北有平陽亭○今直隸大名府滑縣東南有

韋城韋城南有平陽城亦曰平陽亭重酬之大夫皆有納焉納財也醉而送之夜

半而遣之夜遣者慙負孔悝不欲令人見載伯姬於平陽而行載其母俱去及

西門平陽門使貳車反祐於西圃使副車還取廟主西圃孔氏廟所在祐藏主石函子伯

季子初為孔氏臣新登于公升為大夫請追之遇載祐者

殺而乘其車子伯殺載祐者許公為反祐孔悝怪載祐者久不來使公為反逆之遇之

曰與不仁人爭明無不勝

不仁人謂子伯季子也明無不勝言必勝

必使先射

射三發皆遠許為許為射之

殪

傳言子伯不仁所以死也射音石遠去聲

或

以其車從

從公為

得祔於橐中孔惺出奔宋

○楚大子建之遇讒也自城父奔宋

在昭十九年

又辟華

氏之亂於鄭

在昭二十年

鄭人甚善之又適晉與晉人謀

襲鄭乃求復焉鄭人復之如初晉人使謀於子木

請行而期焉

請行襲鄭之期子木即建也

子木暴虐於其私邑邑人

訴之鄭人省之得晉謀焉遂殺子木其子曰勝在

吳子西欲召之葉公曰吾聞勝也詐而亂無乃害

乎

葉公子高沈諸梁也

子西曰吾聞勝也信而勇不為不利舍

諸邊竟使衛藩焉

使為藩屏之衛

葉公曰周仁之謂信也

周親也

率

義之謂勇

率行也

吾聞勝也好復言

言之所許必欲復行之不顧道理

而求

死士殆有私乎

私謀復讎

復言非信也期死非勇也

期必也

子

必悔之弗從召之使處吳竟為白公

白楚邑也汝陰褒信縣西南有白亭

請

伐鄭子西曰楚未節也

言楚國新復政令猶未得節制

不然吾不忘也

他日又請許之未起師晉人伐鄭楚救之與之盟

勝怒曰鄭人在此讎不遠矣

比子西於鄭人

勝自厲劒子期

之子平見之曰王孫何自厲也曰勝以直聞不告



女庸為直乎將以殺爾父平以告子西子西曰勝

如卯余翼而長之以鳥為喻楚國第用士之次第我死令尹司馬

非勝而誰勝聞之曰令尹之狂也得死乃非我義

之若得自死我乃不復成人子西不悛勝謂石乞石乞勝之徒曰王與二卿

士二卿士子西子期皆五百人當之則可矣乞曰不可得也

五百人不可得曰市南有熊宜僚者若得之可以當五百人

矣乃從白公而見之與之言說告之故辭告欲作亂宜僚辭拒之

承之以劒不動拔劒指其喉勝曰不為利諂不為威惕不

洩人言以求媚者去之吳人伐慎白公敗之汝陰慎縣也

今江南鳳陽府潁上縣西北有慎城請以戰備獻與吳戰之所得鎧杖兵器皆備而獻之欲因以亂許之遂

作亂秋七月殺子西子期于朝而劫惠王子子西以

袂掩面而死慙於葉公子期曰昔者吾以力事君不可以

弗終扶豫章以殺人而後死以效其多力豫章大木○扶烏穴反石乞曰

焚庫弑王不然不濟白公曰不可弑王不祥焚庫

無聚將何以守矣乞曰有楚國而治其民以敬事

神可以得祥且有聚矣何患弗從葉公在蔡蔡遷州來楚井

其地方城之外皆曰可以入矣子高曰吾聞之以險

徼幸者其求無饜偏重必離險猶惡也所求無饜則不安譬如物偏重則離敗欲須其斃而討之

聞其殺齊管修也而後入管修楚賢大夫故齊管仲之後聞其殺賢知其可討白公欲

以子間為王子間平王子啟五辭王者子間不可遂劫以兵子間曰

王孫若安靖楚國匡正王室而後庇焉廣庇覆以及于我啓

之願也敢不聽從若將專利以傾王室不顧楚國

有死不能不能從遂殺之而以王如高府高府楚別府石乞尹

門為門尹圍公陽穴宮負王以如昭夫人之宮公陽楚大夫昭夫人王母

越葉公亦至及北門或遇之曰君胡不胄國人望

君如望慈父母焉盜賊之矢若傷君是絕民望也

若之何不胄乃胄而進又遇一人曰君胡胄國人

望君如望歲焉。歲音犀日月以幾。幾音其若見君面是

得艾也。艾音又民知不死其亦夫有奮心猶將旌

君以徇於國。旌表也而又掩面以絕民望不亦甚乎乃

免胄而進。言葉公得民心遇箴尹固帥其屬將與白公。欲與白公并

子高曰微二子者楚不國矣。二子子西子期也柏舉之敗二子功多弃德從

賊其可保乎乃從葉公使與國人以攻白公白公

奔山而縊其徒微之。微匿也生拘石乞而問白公之死

焉對曰余知其死所而長者使余勿言。長者謂白公也曰不

言將烹乞曰此事也克則為卿不克則烹固其所

也何害乃烹石乞王孫燕奔顓黃氏

燕勝弟顓黃吳地之燕平聲顓求龜反。

顓黃在今江南寧國府境

沈諸梁兼二事

二事令尹司馬

國寧

案安也

乃使寧為令

尹子西之子子園也

使寬為司馬

子期之子

而老於葉

傳終言之

○衛侯占夢嬖人

以能占夢見愛

求酒於大叔僖子

僖子大叔遺

不

得與卜人比而告公曰君有大臣在西南隅弗去

懼害

託占卜夢而言○比毗志反

乃逐大叔遺遺奔晉

○衛侯謂渾良夫曰吾繼先君而不得其器若之

何

國之寶器輒皆將去良夫代執火者而言

將密謀屏左右

曰疾與亡君

皆君之子也召之而擇材焉可也

名

若不材器可

得也

軋若不材可廢其身固得其器

豎告太子

太子疾

太子使五人與獬從

己劫公而強盟之

盟求必立己

且請殺良夫公曰其盟免

三死

盟在十五年

曰請三之後有罪殺之公曰諾哉

傳十七年春衛侯為虎幄於藉圃

於藉田之圃新造帷幕皆以虎獸為飾

成

求令名者而與之始食焉太子請使良夫

以良夫應為令名

良夫乘衷甸兩牡

衷甸一轅卿車。甸時證反。孔疏甸即乘也。四邱為甸出車一乘故以甸為名是古者乘而

同也兵車一轅而二馬夾之其外更有二駟是為四馬今止乘兩牡而謂之衷乘者衷中也蓋以四馬為上乘兩馬為中乘也

紫衣狐

裘

紫衣君服

至袒裘不釋劒而食

食而熱故偏袒亦不敬

太子使牽以退

數之以三罪而殺之

三罪紫衣袒裘帶劒

○三月越子伐吳吳子禦之笠澤

○今江蘇州府吳縣西南太湖是也

夾

水而陳越子為左右句卒

句卒鉤伍相著別為左右屯○句古候反著且略反

使夜或

左或右鼓譟而進吳師分以禦之越子以三軍潛

涉當吳中軍而鼓之吳師大亂遂敗之

左右句卒為聲勢以分吳軍而

三軍精卒并力擊其中軍故得勝也

○晉趙鞅使告于衛曰君之在晉也志父為主請

君若大子來以免志父不然寡君其曰志父之為

也○志父謂志父侯辭以難大子又使極之

極訴父欲速得其處○極中角

反○古夏六月趙鞅圍衛齊國觀陳瓘救衛

國觀國害之子○觀去聲

得晉人之致師者。子玉使服而見之。

釋四服服其本服

曰國

子實執齊柄而命瓘曰無辟晉師豈敢廢命

欲必敵晉

又何辱

言不須來致師自將往戰

簡子曰我卜伐衛未卜與齊戰乃

還

畏子玉

○楚白公之亂陳人恃其聚而侵楚

聚積也

楚既寧將

取陳麥楚子問帥於大師子穀與葉公諸梁子穀

曰右領差車與左史老皆相令尹司馬以伐陳其

可使也

言此二人皆嘗輔相子西子期伐陳今復可使

子高曰率賤民慢之懼不

用命焉

右領左史皆楚賤官率所類反

子穀曰觀丁父都俘也武王



以為軍率

楚武王都音若

是以克州蓼服隨唐大啓羣蠻

彭仲爽申倖也文王以為令尹實縣申息

楚文王申息以為縣

朝陳蔡封畛於汝

開封畛至汝水

唯其任也何賤之有子

高曰天命不諂

諂疑也。諂本又作恂

令尹有憾於陳

十五年子西伐吳陳使貞子弟

吳以此為恨

天若亡之其必令尹之子是與君盍舍焉

右舍

領與左史

臣懼右領與左史有二倖之賤而無其令德也

王卜之武城尹吉

武城尹子西子公孫朝

使帥師取陳麥陳人御

之敗遂圍陳秋七月己卯楚公孫朝帥師滅陳

鄭

禪文書五及鶉少隊卒亡

王與葉公枚卜子良以為令尹

枚卜不升言所卜以令龜子良

弟<sup>惠王</sup>沈尹朱曰吉過於其志也<sup>志望</sup>葉公曰王子而相國

過將何為<sup>過相將</sup>他日改卜子國而使為令尹<sup>子國</sup>

○衛侯夢於北宮見人登昆吾之觀<sup>衛南觀在古昆吾之</sup>

<sup>陽今直隸大名府開州</sup>被髮北面而譟曰登此昆吾之虛<sup>虛今濮陽城中</sup>

縣縣生之瓜<sup>縣縣瓜初生也良夫言已有以小成</sup>余為渾良夫

叫天無辜<sup>本盟當免三死而并數一時之</sup>公親筮之胥彌赦

占之<sup>筮</sup>曰不害與之邑寘之而逃奔宋<sup>言衛侯無道下</sup>

衛侯貞卜<sup>正卜夢</sup>其繇曰如魚窺尾<sup>窺亦也魚勞則</sup>

衡流而方羊裔焉<sup>橫流方羊不能自安裔水邊言衛侯將若</sup>

<sup>呈反</sup>衡華音反方蒲郎反裔以衡反

大國滅之將亡闔門塞竇乃自後踰此皆縣解冬十月晉

復伐衛秦伐未得志故入其郭將入城簡子曰止叔向有言

曰怙亂滅國者無後不欲乘人之衰衛人出莊公而與晉平

晉立襄公之孫般師而還十一月衛侯自鄆入般

師出辟刺賈也○般音班鄆音絹初公登城以望見戎州戎州戎邑○今山東兗州府曹

縣有楚邱故城漢置己氏縣以戎州己氏而名也問之以告公曰我姬姓也何戎之

有焉言姬姓國何故有戎邑翦之翦其邑聚公使匠父久不休息欲逐石圃

石圃衛卿石惡從子未及而難作辛巳石圃因匠氏攻公公閉

門而請弗許踰于北方而隊折股終如卜言乃自後踰戎州人

攻之。犬子疾公子青，踰從公。青疾弟我州人殺之。公入

于戎州己氏。己氏戎人姓。己晉配。初，公自城上見己氏之妻髮

美，使髡之，以為呂姜髡。呂姜莊公夫人。髡髮也。髡，大計反。髮，皮義反。既入焉，而

示之璧，曰：「活我，吾與女璧。」己氏曰：「殺女，璧其焉往？」

遂殺之，而取其璧。衛人復公孫般師而立之。十二

月，齊人伐衛。衛人請平立公子起。起，靈公子。執般師以歸。

舍諸潞。潞，齊邑。

○公會齊侯盟于蒙。齊侯簡公弟平公叔也。蒙在東莞蒙陰縣西故蒙陰城也。今屬山東青州府。孟

武伯相齊侯輅首，公拜。齊人怒。武伯曰：「非天子，寡

君無所稽首武伯問於高柴曰諸侯盟誰執牛耳

執牛耳

尸盟者

季羔曰鄫衍之役吳公子姑曹

季羔高柴也鄫衍在七年發陽

之役衛石魋

發陽鄫也在十二年石魋石曼姑之子

武伯曰然則甦也

甦武伯名也鄫

衍則大國執發陽則小國執據時執者無常故武伯自以為可執

○宋皇瑗之子麋

瑗宋右師

有友曰田丙而奪其兄

鄭般邑以與之鄭般愠而行告桓司馬之臣子儀

克

克在下邑不與亂故在○鄭伯咸反

子儀克適宋告夫人曰麋將納桓

氏公問諸子仲

子仲皇野

初子仲將以杞姒之子非我為

子

為適子杞姒子仲妻

麋曰必立伯也

伯非我兄

是良材子仲怒弗從

故對曰右師則老矣不識麋也言右師老不能為公執

之執皇瑗奔晉召之名今

傳十八年春宋殺皇瑗公聞其情復皇氏之族使

皇緩為右師言宋景公無常也緩瑗從子

○巴人伐楚圍鄢鄢楚邑○今湖廣襄陽府襄陽縣東北有鄢城古鄢子國後屬楚初右司

馬子國之卜也觀瞻曰如志子國未為今尹時卜為右司馬得吉兆如其志觀瞻楚開卜大

夫觀從故命之命以為及巴師至將卜帥王曰寧如志之後右司馬

何卜焉寧子使帥師而行請承承王曰寢尹工尹勤

先君者也柏舉之役寢尹吳由于以背受戈工尹固執燧象奔吳師皆為先君勤勞三月楚公孫寧

吳由于遂固敗巴師于鄆故封子國於析君子曰

惠王知志知用其意夏書曰官占唯能蔽志昆命于元龜

逆書也官占下筮之官蔽斷也昆後也言當先斷意後用龜也○今大禹謨其是之謂乎志曰聖人

不煩卜筮惠王其有焉不疑故不卜也

○夏衛石圃逐其君起起奔齊齊所立故衛侯輒自齊復

歸逐石圃而復石隄與大叔遺皆蒯聵所逐

傳十九年春越人侵楚以誤吳也誤吳使不為備夏楚公子

慶公孫寬追越師至冥不及乃還冥楚地秋楚沈諸梁

伐東夷報越三夷男女及楚師盟于敖從越之夷三種故東夷地

○冬叔青如京師敬王崩故也

言敬王能終其世綏其弘言東王必大克叔青叔還子

傳二十年春齊人來徵會夏會于廩丘為鄭故謀

伐晉

十五年晉伐鄭

鄭人辭諸侯秋師還

終叔向言晉公室卑口是年晉定公卒子出公鑿立

○吳公子慶忌驟諫吳子曰不改必亡弗聽吳子出

居于艾

艾吳邑豫章有艾縣○今艾城在江西南昌府寧州西

遂適楚聞越將伐吳冬

請歸平越遂歸欲除不忠者以說于越吳人殺之

言其不量力

○十一月越圍吳趙孟降於喪食

趙孟襲子無恤時有父簡子之喪○比居食飲

食又降殺也

楚隆曰三年之喪親暱之極也主又降之無



乃有故乎

楚隆襄子家臣

趙孟曰黃池之役先主與吳王有

質

黃池在十三年先主簡子質盟信也。質如字。

曰好惡同之今越圍吳嗣子不

廢舊業而敵之

嗣子襄子自謂欲敵越救吳

非晉之所能及也

○吳晉相距甚

遠非力之所能及

吾是以為降楚隆曰若使吳王知之若何

趙孟曰可乎隆曰請嘗之

嘗試也

乃往先造于越軍曰

吳犯閒上國多矣聞君親討焉諸夏之人莫不欣

喜唯恐君志之不從請入視之許之告于吳王曰

寡君之老無恤使陪臣隆敢展謝其不共

展陳也。閒去聲。

黃池之役君之先臣志父得承齊盟曰好惡同之

今君在難無恤不敢憚勞非晉國之所能及也使

陪臣敢展布之王拜稽首曰寡人不佞不能事越

以為大夫憂拜命之辱與之一簞珠簞小筭也使問趙孟

問遺也曰句踐將生憂寡人寡人死之不得矣王曰溺

人必笑吾將有問也以自喻所問不急猶溺人不知所為而反笑史黯何以得

為君子晉史黯云不及四十年吳當亡吳王感問此也對曰黯也進不見惡時行退則行

無謗言時止則止王曰宜哉

傳二十一年夏五月越人始來越既勝吳欲霸中國始遣使適魯

○秋八月公及齊侯邾子盟于顧齊人責稽首責十

七年

齊侯為公稽首不見答顧齊地○今山東東昌府范縣東南五十里有顧城因歌之曰魯人之皐數

年不覺使我高蹈皐皐也高蹈猶遠行也言魯人皐皐數年唯其不知答齊稽首故使我高蹈來為此會

儒書以為二國憂二國齊邾也言魯據周禮不肯答稽首令齊邾遠至是行也公先至

於陽穀先期至也齊閭邱息曰君辱舉玉趾以在寡君之

軍息閭邱明之後羣臣將傳遽以告寡君比其復也君無乃

勤○傳中應反比必利反為僕人之未次次舍也請除館於舟道舟道辭齊地

曰敢勤僕人不敢勤齊僕為魯除館

傳二十二年夏四月邾隱公自齊奔越曰吳為無

道執父立子越人歸之犬子革奔越邾隱公八年為吳所囚十年奔齊

○冬十一月丁卯越滅吳請使吳王居甬東甬東越地會稽

句章縣東海中洲也。句章今浙江寧波府慈谿鎮海二縣地海中洲。薛即舟山今之定海縣也。縣東三十里有翁山一名翁洲即春秋之甬東。

曰孤老矣焉能事君乃繼越人以歸以其尸歸終史墨子胥之言也

傳二十三年春宋景曹卒景曹宋元公夫人小邾女季桓子外祖母。宋景公之母姓曹氏也

季康子使冉有弔且送葬曰敝邑有社稷之事使

肥與有職競焉肥康子名競遽也是以不得助執紼使求從

與人求冉有名與衆也曰以肥之得備彌甥也彌遠也康子父之舅氏故稱彌甥有

不腆先人之產馬使求薦諸夫人之宰薦進也其可以

稱旌繁乎稱舉也繁馬飾繁纓也終樂祁之言政在季氏。繁步干反。傳氏遜曰稱副也旌旄繁纓皆國君之服謙言可以稱此否

○夏六月晉荀瑶伐齊荀瑶荀驍之孫姑伯襄子高無平帥師御之

知伯視齊師馬駭遂驅之曰齊人知余旗其謂余

畏而反也及壘而還將戰長武子請卜武子晉大夫知伯

曰君告于天子而卜之以守龜於宗祧吉矣吾又

何卜焉且齊人取我英邱君命瑶非敢耀武也治

英邱也治齊取英邱以辭伐罪足矣何必卜壬辰戰于犁

邱犁邱隰也○今山東濟南府臨邑縣有犁邱亭齊師敗績知伯親禽顏庚顏庚齊大夫

涿聚

○秋八月叔青如越始使越也越諸鞅來聘報叔

青也

傳二十四年夏四月晉侯將伐齊使來乞師曰昔

臧文仲以楚師伐齊取穀在僖二十六年宣叔以晉師伐齊

取汶陽在僖二年寡君欲徼福於周公願乞靈於臧氏以臧氏世

勝齊故欲乞其威靈臧石帥師會之取廩丘石臧賓如之子軍吏令繕將

進晉軍吏也繕治戰備萊章曰君卑政暴萊章齊大夫往歲克敵禽顏

今又勝都取廩邱天奉多矣又焉能進是衛是言也衛通也

快反謂過謬不信之言役將班矣言晉之役已將班還晉師乃還果如章言餽臧石

牛生曰大史謝之晉大史曰以寡君之在行在軍牢禮不度

不如禮度敢展謝之終藏氏有後於魯

○邾子又無道越人執之以歸終子贛之言而立公子何

何亦無道何大子革弟

○公子荆之母嬖荆哀公庶子將以為夫人使宗人費夏

獻其禮宗人禮官也對曰無之公怒曰女為宗司立夫人

國之大禮也何故無之對曰周公及武公娶於薛

武公教也孝惠娶於商孝公稱惠公弗皇商宋也自桓以下娶於齊桓公始此娶文姜

禮也則有若以妾為夫人則固無其禮也公卒立

之而以荆為大子國人始惡之惡公

○閏月公如越得大子適郢適郢越王太子得相親說也將妻公而

多與之地公孫有山使告于季孫季孫懼使因大

宰嚭而納賂焉乃止嚭故吳臣也季孫恐公因越討已故留

傳二十五年夏五月庚辰衛侯出奔宋衛侯報也衛侯為

靈臺于藉圃與諸大夫飲酒焉褚師聲子韞而登

席古者見君解韞公怒辭曰臣有疾異於人足有創疾若見之

君將殷之殷嘔吐也是以不敢不敢解韞公愈怒大夫辭之

不可共辭謝公褚師出公執其手抵徒手屈肘如曰必斷

而足聞之褚師與司寇亥乘曰今日幸而後亡得免



亡為公之入也奪南氏邑南氏子南之而奪司寇亥政公

使侍人納公文懿子之車于池懿子公文懿公有從僕人投其車于池水中初

衛人翦夏丁氏在十一年以其帑賜彭封彌子彭封彌子彌子瑕彌

子飲公酒納夏戊之女嬖以為夫人其弟期大叔

疾之從孫甥也期夏戊之子姊妹之孫為從孫甥與孫同利。從去聲少畜於公以為

司徒夫人寵衰期得罪公使三匠久公使優狻盟

拳彌優狻狻優也拳彌衛大夫使狻優盟之欲恥辱也而甚近信之故褚師比譏登公

孫彌牟喪邑者公文要失車者司寇亥奪政者司徒期因三匠與

拳彌以作亂皆執利兵無者執斤斤三匠所執使拳彌入

于公宮信近之故得入而自太子疾之宮譟以攻公疾崩時犬子也時已死

鄆子士請禦之鄆子士衛大夫。鄆音絹彌援其手曰子則勇矣將

若君何言不可救。援音表不見先君乎君何所不逞欲先君崩時也亂

不速奔故為我州所殺欲令早去且君嘗在外矣豈必不反當今不可

衆怒難犯休而易閒也乃出閒去聲將適蒲蒲近晉邑。今直隸大名府長

垣縣故蒲城是彌曰晉無信不可將適鄆鄆齊晉界上邑彌詐不知謀故公信之彌曰

齊晉爭我不可將適泠泠近魯邑。泠力丁反彌曰魯不足與請

適城鉏城鉏近宋邑。今大名府滑縣東有鉏城水經注云濮陽西南有鉏邱城是也以鉤越越有君

宋南近越乃適城鉏彌曰衛盜不可知也請速自我

始乃載寶以歸欺衛君言君以寶自隨將致衛害公為支離

之卒支離陳名因祝史揮以侵衛祝史揮衛衛人病之懿子知之

知揮為內開見子之子之公孫彌年文子也請逐揮文子曰無罪懿子曰

彼好專利而妄妄不法夫見君之入也將先道焉若見君有入勢

必道助之若逐之必出於南門而適君所雖知其為君間不審察私其評之夫

越新得諸侯將必請師焉揮在朝使吏遣諸其室

難面逐之揮出信弗內再宿為信內音納五日乃館諸外里外里

公所遂有寵使如越請師請師伐衛求入

○六月公至自越前年行今還季康子孟武伯逆於五梧

魯南鄒也郭重僕為公僕見二子曰惡言多矣君請盡之二子不臣之言

甚多欲使公盡極以類之公宴於五梧武伯為祝祝上言酒惡郭重曰何肥

也此言毀其親季孫曰請飲彘也飲罰之以魯國之密邇仇讎臣

是以不獲從君克免於大行又謂重也肥言重隨君遠行劬勞不宜

稱肥公曰是食言多矣能無肥乎以激三桓之數食言飲酒不樂

公與大夫始有惡為二十七年公孫邾起

傳二十六年夏五月叔孫舒帥師會越皐如后庸

宋樂蔑納衛侯舒武叔之子文子也皐如后庸越大夫樂蔑宋司城子路衛侯輒也○蔑扶廢反文子

欲納之懿子曰君愎而虐少待之必毒於民愎很也乃

睦於子矣

民睦

師侵外州大獲

越納新之師

出禦之大敗

衛敗

掘褚師定子之墓焚之于平莊之上

定子褚師比之父也平莊陵名也

文

子使王孫齊私於臯如

齊衛大夫王孫賈之子昭子也

曰子將大滅衛

乎抑納君而已乎臯如曰寡君之命無他納衛君

而已文子致眾而問焉曰君以蠻夷伐國國幾亡

矣請納之眾曰勿納曰彌牟亡而有益請自北門

出

欲以觀眾心

眾曰勿出重賂越人申開守陴而納公重

也開重門而嚴設守備欲以恐公使不敢入

公不敢入師還立悼公

悼公蒯瞶庶弟公子黹也○黹

起廬反

南氏相之以城鉏與越人公曰期則為此

司徒期也令

苟有怨於夫人者報之夫人期姊也招期而不得加司徒期

聘於越為悼公聘公攻而奪之幣期告王越王王命取之期

以眾取之公怒殺期之甥之為太子者忽期而及其姊為夫人者遂復

及夫人之子遂卒于越終言之也終效夷言死于夷

○宋景公無子取公孫周之子得與啟畜諸公宮

周元公孫子高也得昭公也然得弟畜養也未有立焉於是皇緩為右師皇非

我為大司馬皇懷為司徒皇懷非我從昆弟靈不緩為左師

不緩子靈樂茂為司城採樂淵之子樂朱鉏為大司寇朱鉏樂

六卿三族降聽政三族皇靈樂也降和同也因大尹以達大尹近官有能

自通達於君大尹常不告而以其欲稱君命以令不令國人

惡之司城欲去大尹左師曰縱之使盈其罪盈其罪也重

而無基能無敝乎言勢重而無德以為基必敗也冬十月公游于空澤

空澤宋邑。在今河南歸德府虞城縣東南辛巳卒于連中連中館名大尹與空澤之士

千甲甲士千人奉公自空桐入如沃宮奉公尸也梁國虞縣東南有地名空桐沃宮宋都內

宮名。今虞城縣空桐澤有空桐亭使召六子曰聞下有師君請六子晝

晝計六子至以甲劫之曰君有疾病請二三子盟乃

盟于少寢之庭曰無為公室不利大尹立啟奉喪

殯于大宮三日而後國人知之司城殺使宣言于

國曰大尹惑盡其君而專其利今君無疾而死死

又匿之是無他矣大尹之罪也言大尹所弑得夢啓杜首

而寢於盧門之外盧門宋東門北首死象在門外失國也○首其聲已為烏而集於

其上味張又味加於南門尾加於桐門曰余夢美必立桐門北首

反鳥口大尹謀曰我不在盟少寢盟但以君命盟六卿大尹不盟無乃逐

我復盟之乎使祝為載書六子在唐孟地名將盟之

祝襄以載書告皇非我名襄祝皇非我因子潞子潞名樂校門尹

得樂左師謀曰民與我逐之乎皆歸授甲使徇于

國曰大尹惑盡其君以陵虐公室與我者救君者



也衆曰與之大尹徇曰戴氏皇氏將不利公室戴氏

即樂氏與我者無憂不富衆曰無別惡其說今與君無別戴氏皇氏

欲伐公公謂樂得曰不可彼以陵公有罪我伐公則

甚焉使國人施于大尹施罪於大尹大尹奉啓以奔楚乃

立得司城為上卿盟曰三族共政無相害也

○衛出公自城鉏使以弓問子贛且曰吾其入乎

子贛稽首受弓對曰臣不識也私於使者曰昔成

公孫於陳僖二十八年衛成公奔楚遂過陳○孫音遜甯武子孫莊子為宛濮

之盟而君入盟在僖二十八年○宛於阮反獻公孫於齊在襄十四年子鮮子

展為夷儀之盟而君入在襄二十六年今君再在孫矣謂十五年孫孫

今又內不聞獻之親外不聞成之卿則賜不識所由

入也詩曰無競惟人四方其順之詩周頌言無強惟得人也若得其

人四方以為主為主主四方而國於何有

傳二十七年春越子使后庸來聘且言邾田封于

駘上欲使魯還邾田封竟至駘上○駘他來反二月盟于平陽西平陽○今屬山東兗州府鄒縣三

子皆從季康子叔孫文子孟武伯皆從后庸盟康子病之恥從廢夷盟言及子贛思子贛

曰若在此吾不及此夫不及與越盟武伯曰然何不名曰

固將召之文子曰他日請念言季孫不能用子贛臨難而思之

○夏四月己亥季康子卒公弔焉降禮禮不備也言公之多妄

○晉荀瑶帥師伐鄭次于桐邱鄭駟弘請救于齊

弘駟齊師將興陳成子屬孤子三日朝屬會死事者之子使朝三日以禮之

屬音設乘車兩馬繫五邑焉乘車兩馬大夫服又加之五邑○乘去聲召顏涿聚

之子晉曰隔之役而父死焉隔役在二十三年以國之多難

未收恤也今君命女以是邑也服車而朝毋廢前

勞乃救鄭及留舒違穀七里穀人不知言其整也留舒齊地違去也

今兗州府東阿縣西南有留舒城與東平州接壤及濮雨不涉濮水在陳留酸棗縣傍河東北經濟陰至高平入濟子思

曰大國在敝邑之宇下是以告急今師不行恐無

及也。子思國參成子衣製杖戈。製雨衣也。衣去聲。立於阪上。馬不出

者。助之鞭之。知伯聞之。乃還。畏其得衆心。阪音反。曰。我卜伐鄭

不卜敵齊。使謂成子曰。大夫陳子。陳之自出。陳之

不祀。鄭之罪也。十七年楚獨滅陳。非鄭之罪。蓋知伯誣陳子。故陳子怒。謂其多陵人。故寡君使

瑤察陳衷焉。衷善也。謂晉君使已察陳之善以討鄭罪。謂大夫其恤陳乎。若

利本之顛。瑤何有焉。言陳滅於已無傷。成子怒曰。多陵人者

皆不在。知伯其能久乎。中行文子告成子。文子荀寅。此時奔在齊。

曰。有自晉師告寅者。將為輕車千乘。以厭齊師之

門。則可盡也。成子曰。寡君命恒曰。無及寡。無陵侮寡。少而積及之。

也無畏衆雖過千乘敢辟之乎將以子之命告寡

君成子疑其有為晉之心也○輕去聲厭於甲反文子曰吾乃今知所以亡自恨已無知

君子之謀也始衷終皆舉之而後入焉謀一事則當處此三變然後入

而行之所謂君子三思今我三不知而入之不亦難乎悔其言不可復

○公患三桓之侈也欲以諸侯去之欲求諸侯師以逐三桓三桓

亦患公之妄也故君臣多間間隙也公游于陵阪遇孟

武伯於孟氏之衢曰請有問於子余及死乎問已可得以壽

死不對曰臣無由知之三問卒辭不對公欲以越伐

魯而去三桓秋八月甲戌公如公孫有陘氏有陘氏即有山

氏因孫于邾乃遂如越國人施公孫有山氏以公從其家出

故也終子贛之言君不沒於魯

○悼之四年晉荀瑤帥師圍鄭悼公哀公之子寧也哀公出穆魯人立悼公未

至鄭駟弘曰知伯愎而好勝早下之則可行也行去也

乃先保南里以待之保守也南里在城外知伯入南里門于桔

秩之門鄭人俘鄆魁壘鄆魁壘晉士○桔戶結反桔大結反鄆戶圭反賂之以知

政欲使反為鄭閉其口而死將門攻鄭門知伯謂趙孟入之對

曰主在此主謂知伯也言主在此何不自入知伯曰惡而無勇何以為

子惡貌醜也簡子廢嫡子伯魯而立襄子故知伯言其醜且無勇何故立以為子對曰以能忍恥庶無

害趙宗乎。知伯不悛。趙襄子由是甚知伯。甚毒也。其甚其甚反。

遂喪之。知伯貪而悞。故韓魏反而喪之。史記晉懿公之四年。魯悼公之

十四年。知伯帥韓魏圍趙襄子於晉陽。韓魏反與趙氏謀殺知伯於晉陽之下。在春秋後二十七年。

春秋左傳杜注卷第三十

乾隆丙寅夏五月吳郡小

鬱林陸氏雕版王日燠錄